



Synfocity = 452

22th August, 2013

mail us at : mzsynfo@gmail.com; mizoramsynod@gmail.com - Phone - 2314648

□ Hlamzuih chungchanga inrawnkhawmna

August 20 khan Mizoram Synod huaihawtin Hlamzuih chungchanga Inrawnkhawmna, Synod Conference Centre-ah neih a ni. He programme hi Rev. Lalramliana Pachuau, Synod Moderator-in a kaihrui a, Rev H. Lalrinmawian puan tur pawimawhte puangin inhmelhriattirna hun a hmang a, inrawnkhawmna neih a nih chhan a sawifiah bawk.

He hun hman a nih zawhah hian Rev. Vanlalzuata, Senior Executive Secretary-in Keynote Address a pe a, Mizo vantlang nuna hlamzuih dinhmun tlangpui a sawifiah a, Kohhran a lo din hnua hlamzuih chungchanga pawm dan awm zui zel dan te sawiin Synod-in tuna Hlamzuih tihtawp chungchang a rawt chhuah dan te a sawifiah a. Bible-a hlamzuih chungchang lanna thenkhatte tarlangin kal khawmte ngaihtuahna kaihruiaina thu pawimawhte a sawi. He inrawnkhawmnaa tel tur hian Synod Officers' Meeting member-te bakah Tlawmngai Pawl hrang hrang Gen. Hqr theuhva Office Bearer-te, Kohhran Pawl hrang hrang aiawh mi pahnih theuh, Khawpui chung SEC member -te, MJA Office Bearer-te leh Prominent Citizen zing atangin mi 16 sawm an ni. Inrawnkhawmnaah hian mi 89 an kal a a ni. Mizoram Synod chuan nausen piang hlimte dinhmun hi nu pum chung a awm lai atanga ngaihtuahin, kristian nih hmaa pawm dan hlui anga hlamzuih neih zui zel hi tihtawp dan kawng zawn tha a ti a, Synod 2012 Gen. 27-naah khan Hlamzuih tibo zawnga kawng zawn a rawt ta a ni. Synod thu hi SEC chuan bawhzuiin SEC 245:13 chuan OM-in kawng zawng rawh se tiin a rel a, Synod Officers' Meeting chuan kohhran mal hmalakna chi ni a a ngaih loh avangin he inrawnkhawmna hi a rawt chhuak ta a ni. Hawn tawpah Rev. Lalzuithanga, Executive Secretary-in lawmthu sawina hun a hmang a ni.

□ MPF leh Party hotute inkawm

Nimin (Aug. 21) khan Synod Conference Centre Committee Room-ah MPF General Headquarters hruiute leh Political Party hotute an inkawm. He hun hi Rev. Lalramliana Pachuau, MPF President, Synod Moderator ni bawkin a kaihrui a, MPF Joint Platform-a tel tur chin tih chian te, Thawhhona thuthlung No 2(5)-a banner len zawng chungchang leh thil dangte an sawiho a ni. MPF leh Political Party hrang hrang aiawh kal khawmte hian kum 2013 Inthlanpui lo awm tur atan Inthlanna thianglim leh felfai a awm theih nan te, sawrkar tha, thleibik nei lo leh mipui huapzo sawrkar kan neih theihna tur tein, MLA General Election inthlan zawh thleng huam turin thawhhona thuthlung an siam a ni.

□ Zin

- ◆ August 23 - 25 hian Bial hruiute Retreat, Zokhawthar-ah neih a ni dawn a, hemi neihpui tur hian Rev. Lalzuithanga, Executive Secretary a kal ang.
- ◆ August 21 - 23 hian Account Training, Churachandpur-ah neih mek a ni a, hemi neihpui tur hian Upa C. Lalmuankima, Asst. Finance Manager leh Pu Vanlalrawna Khiangte, Office Assistant te an kal.

□ PBS Graduation Service vawi 28-na

August 22 (Ningani) chawhnu dar 1:00 khan Presbyterian Bible School (PBS) chuan Pi Zaii Hall, Synod Conference Centre-ah Session 28-na Graduation Service an hmang.

Graduation Service programme hi Executive Secretary Rev. P.C. Pachhungan kaihruiin hunserh a hmang a, Rev. H. Biakthansanga'n Presbyterian Bible School-a thawktute, Board member leh zirlaite inhmelhriattirna hun a hmang a, PBS Principal Rev. R. Lalengmawian reports a pe bawk. Rev. H. Lalrinmawia, Synod Secretary-in Certificate a sem a. Rev. Lalrinmawia, Board Member-in exam-a ti thate leh class kal kimte hnenah lawmman a hlan. Zir chhuakte tana tawngtaisakna hun Upa Lalrindika, PBS Board Member-in a hmang a, Pastor J. Vanlalhnuna, PBS Board Member leh zirlai atangin thusawi tawi ngaihlak a ni a. Ni. Lalrinfeli, Ramhlun North a zai a, Rev. C. Sanglianian lawmthu sawina hun a hmang.

Presbyterian Bible School hi kum 2004 May thla atangin tan a ni a, a din tan tirh atangin zirlai 990-in an zirchhuak tawh a. Session 28-naah hian zirlai 60 an awm a, chung zinga 49 chuan zir tluan chhuakin an pass a; First Division-ah 17, Second Division-ah 28, Third Division-ah 1, Simple Pass 3 an awm a, Exam lo 8 leh Failed 3 an awm a, class kal kim mi 8 an awm bawk. Tun tum exam-a Top 3 te chu :

1. Lalrintluangi Laizo D/o Lalrongura, Tlangnuam Salvation Army Corps, Aizawl
2. R.H. Vanramhluna S/o R.Z. Chhinga, Ramhlun Venglai Kohhran
3. Lungtiawii D/o Lalmingliana, East Phaileng Kohhran

□ Synod Mission Board

- ◆ August 15 - 18 chung khan Home Mission & Cachar Tlangram a mi te pualin Missionary Retreat, Chawlhmun Kohhranah tluang taka neih a ni a, thupuih 'An hnungtawlh lo' (Hebrai 11:15) tih an hmang a, Speaker atan Rev. Remlalfaka, Lecturer, Missionary Training Centre an hmang. Retreat neih chung hian Rev. H. Zothansanga hovin Character Study neih thin a ni a, Nehemia zirho a ni.

Retreat-ah hian mithiamte paper buatsaih, Kohhran din leh enkawl - Rev. Lalrinnunga, Administrative Secretary, Lunglei, Tunlai khawvel leh Missionary - Rev. C. Lalsangliana, BEC Member, Direct Evangelism lama hmalak dan tur - Rev. K. Lalrinkima, Principal, MTC te zirho a ni a, sawihona hun hman a ni bawk. Retreat-ah hian Zaipawl leh mimal zai ngaihlak thin a ni bawk.

Retreat-ah hian missionary-te mai bakah an kawppuite hrui theih a ni a, palai 718 an tel thei a ni.

- ◆ August 20 - 30 chung hian Mission Field Committee & IMA Executive Committee-a tel turin Rev. Lalchhuanmawia, Synod Mission Board Secretary a kal. Vawin (Aug. 22) hian Siliguri Field Committee an thu a, August 24 (Inrinni) hian Kathmandu Field Committee an thu leh ang a, August 27 (Thawhlejni) ah Kolkata Field Committee an thu leh ang. August 29 (Ningani) hian India Mission Association (IMA) Executive Committee, Chennai-ah Rev. Lalchhuanmawia hi a tel leh nghal ang.

- ◆ August 26 - September 9 chung hian Arunachal East leh Assam Mission Field chung a Khasan, New Khamlang leh Changlang-a Kohhran School-te tlawh turin Pu H. Vanlalchhuanga, Supervisor of Schools a kal ang.

□ Kristian Thalai Pawl

- ◆ Central KTP-in KTP General Conference 2014/Diamond Jubilee lawmna hmanpui tura sawm a rawt hengte hi Synod Officers Meeting (OM) chuan a remti:

India ram pawn:

PC Wales : 5	Presbyterian Youth Joint Conference (PYJC, Myanmar) : 3
PC Taiwan : 10	Church of Christ in Thailand (CCT) : 1

Contd..

Mizoram pawn:

Presbyterian Youth Fellowship (PYF) : 2
 North East India Christian Council Youth Assembly (NEICCYA) : 2

Mizoram chung:

Lairam Isua Krista Baptist Kohhran (LIKBK) : 2
 ♦ South Asia Christian Youth Network (SACYN) Conference (Aug. 25-31), Jaffna, Sri Lanka-a an neih turah Central KTP hruaitu T.Upa Dr. H. Lalthanzara leh Dr. Julie Remsangpuii te an tel ang. Anni hian an rawn haw pahin Bangalore Kristian Thalai Pawl hruaitute Leadership Training an rawn neihpui nghal ang.
 ♦ Mizoram Synod Choir chu Suangpuilawn Bial KTP Meet (Aug. 24-25) hmanpuiin Suangpuilawnah an kal ang.

□ **MSSU**

August 24 (Inrinni) hian Khuangleng Bial chungha Khuangleng & Sazep Kohhranah Sunday School Zirtirtu Training neih a ni dawn a, training neihpui tur hian T. Upa Lalthahluna Ralte, MSSU Asst. Coordinator, Upa Hrilthansanga, Mission Vengthlang; Upa B. Lalhmunliana, Bethlehem Venglai leh Upa Zohmangaiha, Zemabawk Vengthar (MSSU Trainers) te an kal ang. Inrinni zan atanga Pathianni zan thleng hian Bial chung Kohhran hrang hrangah Fanau enkawl chungchang thuchah sawiin hun an hmang baw ang.

□ **Synod Social Front**

August 23 - 25 hian Zote Bial chung Kohhran tinah Ruihhlo Awareness Campaign neih a ni dawn a, hemi neihpui tur hian Rev. P.C. Pachhunga, Executive Secretary leh Rev. R. Ramdinmawia, Director, Synod Rescue Home-te an kal ang.

□ **Kohhran Hmeichhia**

August 24 (Inrinni) hian Lungleng-I Kohhranah Kristian Chhungkaw Campaign & Buhfaitham Seminar neih a ni dawn a, hemi neihpui tur hian Pi Laltnamawii, Ex-Chairman leh Pi Lalrinzuali, Committee Member-te an kal ang.

□ **Music**

August 20 - 22 hian Thenzawlah Music Training neih a ni a, training neihpui tur hian Pu Lalromawia, Music Instructor leh Tv. Lalsangzuala, Dam Veng te an kal.

□ **Hruaina Eng FM Radio & TV Programme**

♦ **AUGUST 23 (FM Zoawi Aizawl @ 7:30 p.m.) :**
Solo : Zoramchhani - Ka Fak Zel Ang, **Zaipawl :** Bungkawn Kohhran Zaipawl_Ka Khual Zin Kawng, **Thusawi :** Upa Lalrammawia Ngente - Tunlai khawvel leh kristian nun 2, **Solo :** Lallungmuana - Nang chauh hi i ni, **Zaipawl :** Caridinal - Khualzin vakvai
 ♦ **AUGUST 23 (FM Lunglei @ 7:30 p.m.) :**
Solo : Zoramchhani - Ka Fak Zel Ang, Synod News, **Zaipawl :** Bungkawn Kohhran Zaipawl_Ka Khual Zin Kawng, **Thusawi :** F. Lalenghluna - Nu leh pa thu awih, **Solo :** Lallungmuana - Nang chauh hi i ni, **Zaipawl :** Caridinal - Khualzin vakvai
 ♦ **AUGUST 25 (TV Programme @ 3:00 p.m.) :**
Zaipawl : Mizo Cardinal Choir - Aw Lal Pathian, **Bihchianna :** PC Girls' School, **Zaipawl :** Chawnpui Pastor Bial Zaipawl - Ropuina, **KTP Film :** Mission Veng Branch

□ **Susamachar Prasaran Programme**

AUGUST 25 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Jubilee Kohhran - Hijo Aja, **Group/Choir/Solo :** Bungkawn Masihi Sangati - Pyar ka sangar, **Sermon :** Rev. P.C. Rohlira - Isu masi papyangko pyar kanewala, **Group/Choir/Solo :** Kshama Gude - Mera Jivan, **Stuti Geet :** Prarthana Ke Sunne Wale

□ **Moderator Programme**

Synod Moderator Rev. Lalramliana Pachuau chuan hetiang hian hun a hmang ang :
 ♦ August 25 (Pathianni) Chawhma : Luangmual Kohhran
 ♦ August 25 (Pathianni) Chawhnu : Luangmual West Kohhran
 ♦ August 25 (Pathianni) Zan : Chawlhmun Kohhran

NEICCWA HNARUAK

North East India Christian Council Women Assembly (NEICCWA) hnuaiah NEICCWA Secretary hna a ruak a, September 30, 2013 thleng dilna thehluh theih a ni a, October 3, 2013 dar 11:00 a.m.-ah NEICCWA Office, Shillong-ah Interview neih tur a ni. Diltute chu B.D/M.Div. chin chunglam, Christian Ministry-a experience nei, kum 25 - 50 inkar, english thiam leh NEICCWA hnuaia Unit a mi an ni tur a ni a, Kohhran lehkha leh HSLC & a chunglam Marksheet leh Certificate thil tel tur a ni. Hrechiang duh tan a hnuaia address-ah hian zawh fiah theih a ni e.

Mrs. Sony Lamkhohoi Baite,
Secretary, NEICCWA,
Bivar Road, European Ward, Shillong - 793001.
Phone No : 09862091671
E-mail : baite.sony@rediffmail.com

ALLUMINIUM MISTIRI TRAINING

Synod Social Front chuan October - November 2013 chungin Alluminium Mistiri Training a buatsaih dawn a. Training-a telte hnenah thla hnih chungin stipend Rs. 1,000/- pek an ni ang. Dil duhte chuan Synod Office Social Front Department-ah dilna form la chhuakin September 20, 2013 hmain kohhran lehkha nen thehluh tur a ni ang a, September 24, 2013 (Thawhlejni) 11:00 a.m. ah interview tur a ni ang.

REV. P.C. PACHHUNGA
Executive Secretary i/c Social Front

